

INUIT ATAQATIGIIT

INATSISARTUNI



Nuuk, 31. juli 2012

Inatsisartut Suleriaasianni § 37 naapertorlugu matumuuna Naalakkersuisunut imaattunik apeqquteqarpunga:

Apeqqutit:

1. a) Nuummi kolligiassaaleqineq qanoq Naalakkersuisunit aaqqiiviginiarneqarpa?
b) Kolligat ullumikkut qassit Nuummi atorfissaqartinneqarpat?
c) Kolligiat qassit sinerissami atorfissaqartinneqarpat?

2. Kolligiassaqaqqannginneq peqqutaalluni ukiakkut ilinniariarlutik Nuummut tikittartut hotelinut inissinneqartariaqartartut ilisimavarput. Tamannalu qanoq annertutigisumik Namminersorlutik Oqartussanut ukiuni kingullerni naleqarpa?

3. a) Ilinniagaqarlutik qinnuteqarsimasut siunissami pitsaanerusumik ilinniarfissaminnut piareersarsimallutik takkuttarnissaat anguneqassappat Naalakkersuisut isumaqarpat ilinniartunik allaffissornikkut sullissineq pitsaanerusariaqartoq?

b) Ilinniagaqarnermut pilersaarummi ilinniartunut sullisinerup pitsanngortinneqarnissaa aamma ilaatinneqassava? (uddannelsesstrategi)

(Inatsisartunut ilaasortaqaq Jane Petersen, Inuit Ataqatigiit)

Tunngavilersuut:

Ullunaasit tikippagut ukiamut ilinniartorpassuit ilinniarfissaminnut tikerarfiat. Naalakkersuinikkummi tamatta anguniarparput Nunatsinni ilinniarsimassutsip qaffasissuunissaa. Qujanartumik ukiuni kingullerni ilinniarusuttorpassuit ilinniagaqarnissamut qinnuteqartarput, taamaattorli aamma naalakkersuinikkut kolligiassaaleqisarneq unamminartuusooq ilisimallutigu. Apeqquteqarninni paaserusuppara kolligiassaaleqisarneq peqqutaalluni Namminersorlutik Oqartussat aningaasartuutigisariaqagaat qassiusarnerut.

Apeqqutigivarattaq ilinniarusuttorpassuit allaffissornikkut sullinneqarnerat siunissami pitsanngorsaavigneqarniarnersoq. Tassami massakkut piviusut imaammata ilinniariarlutik tikittartut ilaasa nalaattarmassuk inissaqartinneqaratik imaluunniit aatsaat tikikkaangamik paasisaqartarlutik sumi inissaqassanerlutik. Ajoraluartumillu aamma ilisimallutigu ilinniarfissaminnut tigusaagaluarlutik inissaqaqqannginneq peqqutaalluni uniinnartoqartariaqartartoq. Pissutsillu taamaattut tamatta pissusissamisoortutut isiginngikkigut qularinnginnakku apeqqutigaara suleriuseq siunissami pitsanngorsaavigneqarniarnersoq.

